



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Carolo II. Anglorvm Regi, Vere Britannico, Totivs Oceani Clusio & Patulcio;
Belgarum foederatorum naumachia tertiùm victori: Sub finem Quintil. M.
DC. LXVI. Nerei Gratvlatio. Ode III.

urn:nbn:de:hbz:466:1-13378

ODE II.

EN Ateſtinæ generoſa parmæ
Signa, pratorum volucrumquæ reges :
Hæc reperiſſi tua, clare Princeps ,
Cordis imago eſt .

Arduos vincis, RAYNALDE, niſus
Alitis digni Ioue : vincis almæ
Laſteum Floræ decus, eminentis
Fœdere laudis .

Permanent celſum genus atquæ candor
Sede vix vnâ : cohibes ſodales
Integer labis ; domus arma quamuis
Regia præſter .

Indolem vt ſcires vtriuſque formæ,
Cæſaris pugnax Aquilas adîſti :
Iamquæ Gallorum remeas videndo
Lilia ſolers .

Ianus hinc pacis mediuſquæ belli
Tu poteſ ſcribi . Fuit ille nunquàm
Ithacus tanti ; minus ille duxit
Vellus Iâſon .

C A R O L O II.
ANGLORVM REGI, VERE BRITANNICO,
TOTIVS OCEANI
Cluſio & Patulcio ;

Belgarum fœderatorum naumackia tertium victori :
Sub finem Quintil. M. DC. LXVI.

NEREI GRATVLATIO.

ODE III.

VOueram tales cumulare palmas
Hoſtibus poſſes, vt ière nuper

I

Cre-

Creduli vano super astra fastu ,

CAROLE victor .

Audijt votum Deus : insolentem
Mense vix acto fera pugna Belgam
Rursus afflixit, cupiente mergi

Cornua Nereo ,

Quæ supra fluctus tumuere vastos .

SIC tibi mecum domino, Britanne ,

AEquoris, vilem patiemur insul-
rare Chæycum

Classe lunatâ, modò (dixit) vndas

Qui scaphâ nôrat secuisse dulces

Piscium prædo ; catus indè salsam

Trudere mercem ?

Qualis èn frater (scelus ô, pudorquè)

Affidet regi, petulans & vnctus !

Sed bonâ scito veniâ, mereris

Turpia labis .

Albion primam dedit ipsa culpam ,

Albion culpam luat & secundam ;

Nuda plebs quandò manibus Britannis

Fertur in altum .

Vt leo pastus lacerat magistrum ,

Saxa vel torrens rotat in scatebram ,

Haud secus causam mala fæx quietis

Polluit Anglum .

Qui ducem excussit proprium rebellis ,

Scilicèt speres eques ire fidum ?

Tu caue pravi documenta mortis

Carole, regno .

Augurer falsò precor ; at nefandæ

Cædis auctores timeo Batauos :

Quicquid id certè fuit, omne morbi

Do caput Hagæ .

Haga periuri genitrix Senatus ,

Hydra centenæ maculosa sectæ

Mansit Alciden : meritâ tulisti

Laude trophaum

Di-

Dignus insigni Salomon Dauide .

Turpis extremâ sedeat ruinâ

Gente cum totâ locus, atquè nomen

Euolet orbe .

Dixerat : magnum simul in tridentem

Carula adnissus furiauit ictu ;

Quo percussæ periêre naues ,

Quo ruit hostis .

Ipse dux turbâ trepidante primus ,

Ille præclarus Thamesis subactor ,

Saxoni viso Rûiterus oram

Liquit apertam .

Nec fatis : ponet fuga nulla tutum ;

Improbi pœnas volet Anglus ausi :

Adiicit tanto Steropæa iurè in-

cendia fumo :

Hac Euertzenus face, fratris ultor ,

Hacquè Bancartus micuit sodalis .

Fama, dic porrò : cohibe remotæ

Plectra Camcenæ .

AD CLAVDIUM MASSARIUM,

*noua laurea medicum, at poëtam emerita ; cum in prio-
re facultate Doctor Antenoreus renunciaretur .*

ODE IV.

O Tu Pieriæ chelys

Arguto fidicen pollice, quem Tagus

Pronâ non semel audiit

Vrnâ ; quem Rhodanus diffluere immemor

Tum primò stupuit piger .

Cui Scaldis totiès, Mosaquè leniter

Allambens niueos pedes ,

Demissos teneri è margine graminis ,

Assurrexit hians, fidem

Tangenti querulo pectine Dauniam ;

I 2

Can-